

Landesbibliothek Oldenburg

Digitalisierung von Drucken

Joachim Langens Verbesserte und Erleichterte Lateinische Grammatica mit einem Paradigmatischen und Dialogischen Tirocinio

Lange, Joachim

Halle, 1755

VD18 12464023

Cap. I. De Prosodia.

urn:nbn:de:gbv:45:1-18565

PARS SEXTA
DE POETICA.

CAP. I

DE PROSODIA.

MEMBRUM I

DE REGVLIS GENE-
RALIBVS.

§. I. *Prosodia* inseruit poeticæ et docet syllabarum *quantitatem*: vnde dependet *accentus* seu tonus.

§. II. Secundum *quantitatem* seu pronuntiandi moram syllaba alia est *longa*, alia *breuis*, alia *anceps* seu communis.

Not. 1. Syllaba longa dicitur *produci*, syllaba breuis *corripi*.

Not. 2. Signum seu nota syllabæ breuis est *v*, vt *pater*: longæ -, vt *mater*: communis *v̄*, vt *patre*.

Not. 3. Duæ breues syllabæ in versibus haud raro ponuntur pro longa et vice versa.

§. III. Totius poeseos, in primis prosodiæ et omnium de quantitate regularum fundamentum est *auctoritas* seu exemplum veterum poetarum: qua præterea vtimur, quando regulæ deficiunt vel ignorantur.

§. IV. *Quantitas* secundum auctoritatem sex modis cognoscitur: 1) *diphthongo*, 2) *positione*, 3) *vocali ante vocalem*, 4) *contractione*, 5) *accentu*, 6) *analogia*.

§. V.

§. V. Omnis diphthongus natura longa est.

Not. 1. *Præ* in compositione, sequente vocali sæpe corripitur; quod etiam diphthongis interdum in fine accidit, more Græcorum: v. g.

stipitibus duris agitur sudibusque præustis. Virg. 7. Aen.
Insula Ionio in magno. Virg. l. 3. v. 211.

Not. 2. Græca diphthongus *ei* apud Latinos modo in *I* longum, modo *E* longum transit.

I longum: Nilus, idolum, Alexandria, Antiochia, idololatria, litania, politia, Nicomedia, Samaria, Darius, Basilius, Arius; græce Νείλος εἰδωλον, *cet.*

E longum: chorea, platea, Cytherea, Medea, Laodicea, museum, achilleus, spondeus, epicureus, aristoteleus; græce χωρεία, πλατεία, *cet.*

Poeta tamen ex diphthongo *ei* interdum abiiciunt *I*, ut maneat *E* breue: hinc chorea, platea, *cet.*

Interdum etiam resoluitur *ei* et *e* mutatur in *n*, unde *e* ante *i* producitur: ut cythereia, elegeia, græce ἐλεγειά.

§. VI. Positione longa est syllaba, quando vocalem proxime sequuntur *duæ consonantes*, aut *vna duplex*: ut *i* consona, *x*, *z*; siue in eadem voce, siue in fine præcedentis et initio sequentis vocis. Vt

Mons, pons, arma, rexit, gaza, maior, reiicio, reiecto, peior, cuius, eius.

Not. 1. Littera *H* in metro non habet vim consonantis.

Not. 2. Vocalis ante *I* in *biugus, quadriugus*, brevis est: quia in his habetur pro simplici.

Not. 3. Muta cum *liquida* (siue ceteræ consonantes cum *L, M, N, R*) in eadem syllaba, præcedentem vocalem, si extra positionem natura brevis est, facit

incipitem, sed in soluta oratione perpetuo corripendam; ut *pater, patris, tenebrae*.

Nox tenebras profert, Phœbus fugat inde tenebras.

Est primo similis volucri, mox vera volueris. Ouid.

Not. 4. Vocalis natura longa per mutam et liquidam non potest corripitur: ut *mater, matris*.

Not. 5. Vocales, quæ extra positionem non veniunt, ex cognoscuntur auctoritate: suntque vel longæ, ut *ebrius*; vel communes, ut prima in *proprium, Cyclops*.

§. VII. Vocalis ante vocalem in eadem voce corripitur; siue simplex ea fit, siue composita seu diphthongus: ut *prius, reus, nihil, mihi, abenum, delicia, deamo*.

Not. 1. *Fio* habet I longum, nisi adsumat R, tunc enim corripitur. Ut

Omnia iam sient, fieri quæ posse negabam. Ouid, lib. I. trist. el. 7.

Not. 2. Genitiui et datiui quintæ decl. E ante I producunt: ut *diei, speciei*; præter rei, *spei, fidei*, penultima breui.

Not. 3. Genitiui in IVS, I longum in carmine faciunt commune: sed genitiuus *alius* (pro *alio*) semper producitur; *alterius* semper corripitur.

Not. 4. Vocatiui *Cai, Pompei, Vultei* penultimam producunt.

Not. 5. I consona interdum in vocalem mutatur. Ut

Peruigil in plumis Caius ecce iacet. Mart.

Not. 6. *Eheu* priorem producit: sed *obe* priorem habet communem.

Not. 7. O exclamandi particula ante vocalem est anceps. Ut

Oyti-

Optinam mea sors, primum quo cæperat, isset. Ouid.
Te Corydon, o Alexi, trahit sua quemque voluptas. Virg.

Not. 8. In græcis græca seruat^r quantitas. Hinc
 producitur *museum*, *dius*, *Eos* $\mu\upsilon\sigma\epsilon\acute{\iota}\omicron\nu$, $\delta\iota\circ$, $\epsilon\acute{\omega}\varsigma$.
 Item *aneius*, *cythereius*, *priameius*, et similia. Sic
 $\lambda\alpha\acute{o}\varsigma$ cum compositis semper α producit: vt *Menelaus*, *Ni-*
colaus.

Not. 9. In vocibus origine græcis E et I in pen-
 ultima corripuntur, etiamsi more Græcorum pronuntiarⁱ
 soleant cum accentu. Vt *Andreas*, *Dorotheus*, *Doro-*
thea, *idea*, *Sophia*, *philosophia*, *symphonia*, *prosodia*.
 Sic et *Maria*, *Elias*, *Zacharias*.

Sed *academia* in penultima est anceps. Græce enim
 scribitur $\acute{\alpha}\kappa\alpha\delta\eta\mu\acute{\iota}\alpha$, $\acute{\alpha}\kappa\alpha\delta\eta\mu\epsilon\acute{\iota}\alpha$.

§. VIII. Syllaba contracta longa est: vt *nil pro*
nihil, *mi pro mihi*, *cogo pro coago*, *tibicen pro*
tibiicen, *genitiuus alius pro aliius*.

Not. Sæpe fit contractio intercedente syncope:
 vt *nil pro nihil*, *ni pro nisi*, *quis pro quibus*, *malo pro*
mauolo, *biga pro biuga*, *quadriga pro quadriuga*, *no-*
nus pro nouenus, *denus pro decenus*, *iunior pro iuuenior*,
Deum pro Deorum, *Diana pro Deaiana*. Iana apud ve-
 teres erat luna.

§. IX. Accentus cum ipsis vocibus statim vsu
 notandus est. Potest autem in polysyllabis ex
 accentu tantum cognosci quantitas penultima.
 Vt

Mi in dominus est syllaba breuis, quia vi auctoritatis ca-
 ret accentu: sed et antepenultima *do* breuis est auctoritate,
 etsi accentum præ se ferat.

Item *ga* in *legare* est syllaba longa, quia habet accentum; sed etiam antepenultima longa est, etsi accentum tam clare non præ se ferat.

Not. Vocatiui nominum in *IVS* quantitatem penultimæ etiam in versu retinent talem, qualis erat nominatiui: vt *Mercurius, Virgilius*; in vocatiuo *Mercuri, Virgili*.

Diuidicatio quantitatis ex *accentu* tantum locum habet in polysyllabis: seu in vocibus, quæ ad minimum habent tres syllabas. Polysyllabum autem si nondum est, sæpe fieri potest per *compositionem*. Vt *scri* in *scribo* est syllaba longa, quia dicimus *inscribo*: *li* in *ligo* est syllaba brevis, quia dicimus *adligo*: *mo* in *monet* est syllaba brevis, quia dicimus *admonet*. Sic *su* in *super* est syllaba brevis: quia dicimus *insuper, desuper*.

Hic etiam locum habet *deminutio*. Vt *mi* in *hominibus* est syllaba brevis, dicimus enim *homini*: *e* in *docuerimus* est brevis, quia dico *docuerim*.

§. X. Accentui inferuit ideoque addenda est *analogia deriuationis, declinationis et coniugationis*. Vt

Media in *loquela* est longa, ad analogiam vocis *tutela*. *Corpus, corporis, corpori*: ergo et *pecus, pecoris, pecori*. *Amo, amabam, amarem*: ergo et *clamo, clamabam, clamarem*.

Not. 1. *Do, das, da* longa sunt: in ceteris syllaba *da* ex verbo *do* et eius compositis brevis est. Vt *dabam, dabo, dato, date, darem, dare, datum*. Sic *circumdabam, circumdabo*.

Not. 2. *V* in præsentibus verborum vbique corripitur: vt *sumus, quaesumus, volumus, nolumus*.

Not. 3. Personæ *imus et itis*, vbique in penultima corripiuntur: excepto præsentibus quartæ coniugationis quorum pertinent hæc, *simus, sitis; velimus, velitis; nolimus, nolitis*.

MEM.

MEMBRVM II

DE REGVLIS SPECIA-
LIBVSPRIMARVM ET MEDIARVM
SYLLABARVM.

§. I. *Deriuata* retinent quantitatem thematis seu primitiui sui. Vt

Legi primam producit: sic et *legeram*, *legerim*, cetera.

Lego primam corripit: sic et *legebam*, *legam*, cetera.

Dominus primam corripit: sic et *dominor*, *dominator*, cetera.

Fauces: *suffoco* *Virgineus*, a *virginis*.

Hæc dicuntur *natura longa et breuia*.

Not. 1. Contra naturam primitiuorum producuntur:

Feriæ, a *feriendis* victimis.

Humanus, ab *homo*.

Iugerum, iugis a *iugum*.

Laterna, a *lateo*.

Lex, legis, a *lego*.

Macero, a *macer*.

Nitella, a *niteo*.

Penuria, a *penus*.

Rex, regis, regula, a *rego*.

Secius, a *secus*.

Sedes, a *sedeo*.

Tegula, a *tego*.

Totus, a *tot*.

Tragula, a *traho*.

Vis, vires, a *vir*.

Vomer, a *vomo*.

Vox, vocis, *vocula*, *vocalis*,

a *voco*.

Not. 2. Contra naturam primitiuorum corripuntur

Arista, ab *areo*.

Bubulcus, a *bubus*.

Dicax, a *dico*.

Ditio, a *dis*, *ditis*.

Dux, ducis, a *duco*.

Fragor, fragilis, *fragosus*,
a *frango*.

Glomero, a *glomus*.

X §

La

Lucerna, a <i>luceo</i> .	Pufillus, a <i>pufio</i> .
Moleſtus, a <i>moles</i> .	Sagax, a <i>ſagio</i> .
Nato, a <i>no, nas, nare</i> .	Sopor, a <i>ſopio</i> .
Odium, ab <i>odi</i> .	Varicoſus, a <i>varix</i> .
Paciſcor, a <i>pax, pacis</i> .	Vitium, a <i>vito</i> .

Sta in *ſtatio*, *ſtatus*, *ſtatio*, *ſtabilis*, *ſtabulum*, a *ſtatum* corripitur: ſed in *ſtaturus*, *ſtator*, *ſtamen* producitur.

Sic *ſi* in *fides*, *ſidelis*, *ſideliter*, *perſidus*, *perſidia* corripitur: ſed in *ſido*, *ſidus*, *inſidus*, *ſiducia* producitur.

Supinum *ambitum* et participium *ambitus* producent: ſed nomina *ambitus* et *ambitio* illud corripunt.

§. II. Compoſita retinent quantitatem ſimpli-
cium. Vt

Voco auoco - vv Quare - - Prodes - v

Lego: hinc colligo, eligo cetera.

Not. 1. Sequentia a longis orta corripuntur: *Deiſero, peiſero a iuro; innubus, pronubus a nubo; maledicus, cauſfidicus, fatidicus, a dico; nihilum, ex ne et hilum; agnitum, cognitum, ex notum; ſemiſopitus, a ſopitus.*

Connubium a *nubo* ſecundam habet communem.

Not. 2. Si prior compoſitionis pars in *A* et *O* deſinit, *A* et *O* producantur. Vt

Auoco, contradico, trado, trano, quare, quapropter, quacunque, quatenus, quandoque, quandocumque, alioqui, vtrobique, introducere, retrouerſus, controuerſus.

Sed breuia ſunt: *hodie, quandoquidem, omitto, operio, ſacroſanctus.*

In Græcis, vbi *o* micron eſt, *o* corripitur. Vt

Argonautæ, bibliopola, chirographum, œconomus, prophæta, prologus.

Not. 3.

Not. 3. Præpositiones in consonantem exeuntes corripuntur, nisi positio obstet: vt *ineo, subeo, cisalpinus*.

Not. 4. Præpositiones monosyllabicae in vocalem exeuntes producantur: vt *depono, cueho, profero, proconsul, diiudico, seiungo, vesanus, vecors*. Sed

1) RE in compositis breue est: sed in *reicio* et *reiecto*, interdum etiam in *refert* producitur.

2) DI in *dirimo* et *disertus* corripitur: in aliis producitur.

3) PRO in sequentibus breue est: *procello, procella, profanus, profano, profecto, profestus, proficiscor, profiteor, profugus, profundus, prohibeo, pronepos, proteruius*.

4) PRO est anceps in his sex verbis: *procumbo, procuro, profundo, propago, propello, propulso*.

Not. 5. I producantur composita ex dies: vt *biduum, triduum, pridie, postridie, meridies*.

Idem masculinum est longum, neutrum vero breue. Vt *Per quod quis peccat, per idem punitur et idem*.

Nil prodest, quod non laedere possit idem.

§. III. Præterita et supina disyllaba habent priores longas, nisi sit vocalis ante vocalem: vt *video, vidi, visum; sto, statum*.

Not. 1. Excipiuntur vna cum compositis suis sex præterita et nouem supina, in priori correpta: quæ sunt *tuli, dedi, steti, bibi, scidi, fidi; et datum, ratum, satum, itum, litum, citum, quitum, situm, rutum, a do, reor, sero, eo, lino, cieo, queo, sino, ruo*.

Not. 2. Tria hæc præterita, quæ a longis veniunt, primam corripunt: vt *gigno, genui; possum, potui; pono, posui*.

§. IV. Reduplicatio præteriti geminati trisyllabi breuis est, vna cum media sequente, nisi positio obstet: vt *disco, didici; cado, cecidi; tundo, tundi; fungo, pupugi*. Excipe *cado, cecidi; pedo, pepedi*: ob penultimam naturam longam.

Vid. Priscian. l. 9 de præter. perf.

§. V.

§. V. Præterita polysyllaba in *VI* et *SI*, nec non supina polysyllaba cum participiis inde formatis penultimam producunt: vt *quæro*, *quæsiui*, *quæsitum*; *peto*, *petiui*, *petitum*; *diuido*, *diuisi*, *diuisum*.

Not. Supina in *itum*, quæ non ab *iui* veniunt, penultimam corripiunt: vt *noceo*, *nocui*, *nocitum*. Vid. p. 310.

§. VI. I ante *v* producitur: vt *diues*, *diuus*, *rius*, *uiuo*, *lixiuia*, *furtiuus*, *gradiuus*.

Exc. Breuia sunt: *nix*, *niuis*, *rediuuius* *vv-v*, *biuium*, *triuuium*. *Vbiuis* anceps est.

§. VII. Adiectiua in *INVS I* producunt; præfertim ea, quæ a nominibus animalium descendunt: vt *anserinus*, *asininus*, *equinus*, *leoninus*, *lupinus*, cetera. Huc refer: *matutinus*, *vespertinus*, *adulterinus*, *clandestinus*, *figulinus*, *marinus*, *Alpinus*, cetera.

Sed quæ materiam significant et a nominibus rerum inanimatarum descendunt, I corripiunt: vt *adamantinus*, *amygdalinus*, *papyrinus*, *cedrinus*, *coccinus*, *crocinus*, *crystallinus*, *cupressinus*, *oleaginus*, cetera. Huc refer: *crastinus*, *serotinus*, *diutinus*, *pristinus*, cetera.

§. VIII. Patronymica masculina in *ADES* et *IDES* penultimam habent breuem, vt *Aeneades*, *Priamides*; longam autem feminina in *INE* et *ONE*, vt *Nerine*, *Acrifione*.

Sed longa est penultima in *Atrides*, *Pelides* et reliquis a nominibus in *eus*: et ob antepenultimam longam etiam in *Belides*, *Lycurgides*, *Amphiaraides* et similibus.

§. IX. Deriuatiua in *OCINIUM* corripiunt *CI*: vt *patrocinium*, *tirocinium*.

§. IX.

§. X. Definentia in *VRIVS, VRIA et VRIO*, tam nomina, quam verba meditatiua u corripunt: vt *Mercurius, luxuria, centuria, decuria, centurio, esurio, parturio, cœnaturio*, cetera.

Not. 1. In *penuria, curia, iniuria* est u longum.

Not. 2. Nomina græca in *VLVS* propter diphthongum *ou*, habent u longum: vt *Aristobulus, Thraſybulus*. Sed latina habent u breue: vt *figulus*.

§. X. *Peregrina* libera sunt: solent tamen sæpe secundum scriptionem græcam, si quam habent, diiudicari.

MEMBRVM III
DE REGVLIS SPECIA-
LISSIMIS
VLTIMARVM SYLLABARVM.

§. I. Definentia in *A, E, Y, YS, IS, VS*; nec non in *B, D, T, L, M, N, R* corripuntur: vt *mensa, cubile, moly, chelys, ignis, annus, ab, ad, at, caput, animal, nomen, pater*.

Not. *M* breue in compositione tantum cognoscitur et quidem sequente vocali, vt in *circumago, circumeo*.

EXCEPTIONES.

I. *Producuntur in A*

1) *Indeclinabilia*: vt *antea, contra, triginta*.

Sed *eia, ita, quia, postea* semper, et *numeralia* interdum etiam breuia sunt.

2) *Vocatiui primæ declinationis a nominibus in AS*: vt *Aenea, Satava*.

3) *Ablatiui primæ declinationis*: vt *mensa, Aenea*.

4) *Imperatiui primæ coniugationis*: vt *ama*.

2. *Pro-*

2. Producentur in E

- 1) Ablatiui quintæ declinationis: vt *die, re, fide*.
Sic et composita *hodie, pridie, postridie, quare*. Hæc refer *fame*.
- 2) Imperatiui singularis numeri in secunda coniugatione: vt *doce*. Sed *caue*, nec non composita *videtis* et *valedico* sæpe corripuntur.
- 3) Aduerbia in E facta ex nominibus secundæ declinationis: vt *docte, valde, belle, optime*. Sed *bene et male* breuia sunt.
Ferme et che producentur: *fere* autem vltimam habet ancipitem.
- 4) Græca in E primæ declinationis, vt *epitome*; item pluralia *mele, tempe, cete*.

3. Producentur in IS

- 1) Datiui et ablatiui: vt *mensis, seruis, nobis, vobis*.
- 2) Nomina *lis, glis, dis, vis*: nec non declinata per *inis, itis et entis*; vt *Salamis, salaminis; Samnis, samnitis; Simois, simoëntis*.
- 3) Secunda persona singularis præsentis indicatiui verborum quartæ coniugationis: vt *audis, abis*.
- 4) *Vis, sis, velis*, cum compositis: vt *quamuis, quiduis, adsis, possis, malis, nolis*. Item aduerbia *gratis et foris*. *Ris*, vltima futuri coniunctiui est anceps: vt *dixeris*.

4. Producentur in VS

- 1) Nomina tertie declinationis, quæ u in genitiuo retinent: vt *tellus, uris*. Sed *Ligus, uris* (*Liguria incola*) *pecus, udis, intercus, utis* breuia sunt.
- 2) Genitiuus singularis, nominatiuus, accusatiuus et vocatiuus pluralis nominum quartæ declinationis: vt *fructus*.
- 3) Græca in VS: vt *Iesus, Panthus, tripus, Melampus*. Sed *polypus* vltimam corripit.

4) Pro.

5. *Producuntur*

1) Græca in ER imparisyllaba et desinentia in N:
vt

Aer, ether, character, crater, Iber, spinter, titan, delphin, cet. Huc referatur *lien*, et accusatiuus græcus *an* et *en*: vt *Aenean, Anchisen.*

2) Plerumque peregrina, si apud Græcos fit longa vocalis: vt *Iob, Daniel, Simson*, cetera.

§. II. Desinentia in I, V, AS, ES, OS et C producuntur: vt *gummi, cornu, amas, bonitas, doces, des, pares, bonos, dominos, os, oris, dic, hac, illuc.*

EXCEPTIONES.

1. *Corripiuntur* in I datiu et vocatiu græci; vt *Palladi, Minoi, titani, Pari, Daphni*: et plerumque etiam *nisi et quasi*.

Producunt tamen vltimam *Orestis, Pyladi*, quia terminatione mere latina sunt: item *Demostheni, Socrati, metamorphosi*, quia ex contractis *Δημοσθένες, Σωκράτης, μεταμορφώσεις* veniunt: etiam *Paridi, Thetidi, Tyndaridi*, sed vī cæsurae, vt videtur.

Indifferentia sunt: *mihi, tibi, sibi, vbi et vti* cum compositis, *vbicumque, vbiuis, scubi, sicuti, veluti*, cetera.

Sed *ibidem* et *vbique* longa sunt: *vtique* breue est.

2. *Corripiuntur* in AS per *adis* declinata: vt *vas, vadis, Pallas, Arcas, Pleias*. Item *anas, anatis*: nec non accusatiu græci tertiæ declinationis, vt *Troas, Hectoras, Arcadas, Rhetoras*.

3. *Corripiuntur* in ES

1) Nomina tertiæ declinationis, quæ in genitiuo crescunt penultima breui: vt *miles, seges, præses*; præter *Ceres, aries, paries, abies* et *pes* cum compositis, quæ longa sunt.

2) No.

2) Græca, quæ per *ε* scribuntur: vt *cacoethes*; *Troades*, *Arcades*, *crateres*.

3) Præpositio *penes* et *es* a verbo *sum* cum compositis: sed *es* ab *edo* producitur.

4. Corripiuntur in OS

1) *Os*, *osis*, *exos*, *compos*, *impos*.

2) Græca, quæ per *ο* scribuntur: vt *Arctos*, *Argos*, *melos*; item *Arcados*, *Thetyos* et similia.

5. Corripiuntur in *Cnec* et *donec*. Communia autem sunt *fac* et *hic* pronomen: *hic* aduerbium est longum.

§. III. In O communia sunt: vt *amo*, *leo*, *duo*, *ambo*, *ego*.

EXCEPTIONES.

1. Producentur

1) Dativi et ablativi: vt *seruo*. Gerundia etiam sæpe producentur.

2) Aduerbia e nominibus orta: vt *subito*, *merito*, *multo*, *quanto*. Huc refer *adeo*, *ideo*, *ultro* et *ergo* pro causa.

2. Corripiuntur sæpius et melius quoque: *immo*, *cito*, *illico*, *modo*, *dummodo*, *postmodo*, *ergo* pro igitur, et *cedo* pro dic aut porrige: interdum etiam *perfecto* et *vero*.

ADDITAMENTVM.

1. Monosyllaba in vocalem exeuntia producentur: vt *a*, *ab*, *e*, *de*, *me*, *te*, *se*, *ne*, *o*, *pro*, *pro* interiectio, *do*, *da*.

Except. Encliticæ *que*, *ne*, *ve*: et adiectiones syllabicæ, *ce*, *te*, *pte*, corripiuntur.

2. Nomina monosyllaba producentur: vt *lac*, *sal*, *sol*, *ren*, *splen*, *ver*, *par* cum compositis. Huc refer *quin*, *sin*, *en*, *non*, *cur*.

Except. Breuia sunt: *fel*, *mel*, *vir*, *cor*, *vas*, *vadis*, *os*, *osis*.

POETI-

POETICAE CAP. II
DE CARMINVM GE-
NERIBVS.

§. I. *Carmen* est concinna versuum congeries.

§. II. *Versus* est legitima vocum compositio, certo pedum modo ac numero definita. Dicitur etiam *metrum*.

§. III. *Pes* est certa syllabarum ratione quantitatis et numeri constitutio: complexus autem eiusmodi syllabarum est *regio metrica*, seu locus, quem pes quisque occupat.

§. IV. Ex pedum numero fit *scansio*, seu versus *dimensio* secundum regiones et pedes.

§. V. In dimensione obseruanda est *cæsura*: quæ est decora dictionis per pedes intersectio, ita vt vltima vel penultima syllaba nouum pedem inchoet. Vnde versus, cæsura carens, nullam habet gratiam: vt

Nuper quidam doctus cœpit scribere versus.

Defectum cæsurae habent versus tardigradi: vt

*Conturbabantur Constantinopolitani
Innumerabilibus sollicitudinibus.*

§. VI. Pedes vero sunt vel disyllabi, vel trisyllabi, vel tetrasyllabi.

§. VII. *Disyllabi* sunt quatuor: *spondeus* -- omnes; *trocheus* - v seruat; *pyrrhichius* v v Deus; *iambus* v - pios.

§. VIII. *Trisyllabi* sunt octo, quorum vsitatiores sunt: *dactylus* - v v optima; *anapestus* v v - domino; *molosus* --- insani; *tribrachys* v v v lege-
re; *bacchius* v -- gubernans.

§. IX. *Tetrasyllabi* sunt sedecim, quorum vsi-

Z

tatio-